



Broj: 05-04-20-2693-8/23
Datum: 26.09.2023.godine

Na osnovu člana 100. stav (3) Zakona o javnim nabavkama („Službeni glasnik BiH“, broj 39/14 i 59/22), i člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), a u vezi sa žalbom ponuđača „Geo put“ d.o.o. Maglaj od 25.09.2023.godine, u postupku javne nabavke „sanacija i rekonstrukcija lokalnog puta u MZ Brezove Dane Domislica – Čobe, općina Maglaj“, Općinski načelnik, d o n o s i

ODLUKU

o stavljanju van snage Odluke broj: 05-04-20-2693-6/23 od 19.09.2023.godine

I

Ovom Odlukom stavlja se van snage Odluka broj: 05-04-20-2693-6/23 od 19.09.2023.godine i stavlja se van snage Odluka o izboru najpovoljnijeg ponuđača broj: 05-04-20-2693-4/23 od 06.09.2023.godine donesene u otvorenom postupku za dodjelu ugovora za nabavku radova na Sanacija i rekonstrukciji lokalnog puta, u MZ Brezove Dane Domislica – Čobe, općina Maglaj.

II

Donosi se Odluka o izboru najpovoljnijeg ponuđača i ugovor za nabavku radova na Sanacija i rekonstrukciji lokalnog puta, u MZ Brezove Dane Domislica – Čobe, općina Maglaj, dodjeljuje se ponuđaču „Hajdić“ d.o.o. Maglaj, u skladu sa ponudom broj 34/23 od 24.08.2023. godine, po ukupnoj cijeni od iznosu od **67.952,95 KM bez PDV-a, odnosno iznosu 79.504,95 KM sa PDV-om.**

III

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

U otvorenom postupku za dodjelu ugovora o nabavci radova „Sanacija i rekonstrukciji lokalnog puta, u MZ Brezove Dane Domislica – Čobe, općina Maglaj“ koji je objavljen na portalu javnih nabavki Obavještenje o nabavci broj: 1140-1-3-99-3-49/23 od 02.08.2023. godine i „Službenom glasniku BiH“ broj 54/23 od 04.08.2023.godine, donesena je Odluka o izboru najpovoljnijeg ponuđača broj: 05-04-20-2693-4/23 od 06.09.2023.godine.

Protiv navedene Odluke blagovremeno je izjavio žalbu ponuđač „Geo put“ d.o.o. Maglaj od 13.09.2023.godine, koja je zaprimljena u Općnu Maglaja dana 15.09.2023.godine.

Po navedenoj žalbi ugovorni organ je donio Odluku o stavljanju van snage Odluke o izboru najpovoljnijeg ponuđača broj: 05-04-20-2693-4/23 od 06.09.2023.godine, broj 05-04-20-2693-6/23 od 19.09.2023.godine.

Na navedenu odluku ponuđač „Geo put“ d.o.o. Maglaj je blagovremeno uložio žalbu dana 25.09.2023.godine.

Postupajući po navedenoj žalbi, ponovnim uvidom u Zapisnik o pregledu i ocjeni ponuda, od 19.09.2023.godine i to u dio koji se odnosi na navode da novog ocjenjivanja ponuda na

zatvorenom sastanku nije bilo, te da je prepravljen (krivotvoren) zapisnik sa prvog zatvorenog sastanka za ocjenu ponuda, utvrđeno je da su žalbeni navodi, osnovani.

Dakle, s tim u vezi je Komisija za javne nabavke ponovno izvršila pregled i ocjenu ponuda dana 26.09.2023.godine, i utvrdila da je prvobitno, došlo do štamparske greške koja je ispravljena u Zapisniku Komisije o pregledu i ocjeni ponuda od 26.09.2023.godine te je u tabelu TRAŽENO stavak 3, unesen iznos 70.000,00 KM, kolika je procjenjena vrijednost javne nabavke.

Svi ponuđači su dostavili spisak ugovora izvršenih u posljednje dvije godine sa potvrdom druge ugovorne strane (obična kopija) koji su odgovarali iznosu koji je naveden u tenderskoj dokumentaciji, tako da je očigledno da se radilo o štamparskoj grešci.

Komisija je shodno kriterijima iz tenderske dokumentacije utvrdila da sve ponude ispunjavaju uslove koji su utvrđeni u tenderskoj dokumentaciji (4.1.1. Sadržaj ponude) tako da nijedan ponuđač nije isključen zbog neispunjavanja uslova za kvalifikaciju i iste ocjenila prihvatljivim u pogledu oblika i potpunosti.

U skladu sa kriterijem "ekonomski najpovoljnija ponuda" utvrđena je konačna rang lista ponuđača, kako slijedi u tabeli.

Naziv /ime ponuđača	Ukupan broj bodova
"Hajdić"d.o.o. Maglaj	100
"Dobojputevi"d.d.Doboj jug	97
"Geo put"d.o.o. Maglaj	95
"Porobić"d.o.o. Zavidovići	90

Rangiranje prihvatljivih ponuda prema kriteriju za izbor ponude, je sljedeći:

r/b	Naziv ponuđača	Cijena / KM bez PDV-a	Cijena / KM sa PDV-om
1.	"Hajdić" d.o.o. Maglaj	67.952,95	79.504,95
2.	"Dobojputevi"d.d. Doboj Jug	69.951,80	81.843,61
3.	"Geo put"d.o.o. Maglaj	71.877,00	84.096,09
4.	"Porobić"d.o.o. Zavidovići	75.954,15	88.866,36

Komisija je sačinila Zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i uloženu žalbu od ponuđača „Geo put“d.o.o. Maglaj od 25.09.2023.godine, kao i preporuku rukovodiocu ugovornog organa da ugovor u predmetnom postupku dodijeli ponuđaču "Hajdić" d.o.o. Maglaj.

Na osnovu svega izloženog, a u skladu sa članom 100. stav (3) Zakona o javnim nabavkama BiH, („Službeni glasnik BiH“, broj 39/14 i 59/22), kojim je utvrđeno da „Ako je žalba blagovremena, dopuštena i izjavljena od ovlaštenog lica lica koje ima aktivnu legitimaciju, ugovorni organ, razmatrajući žalbu, može utvrditi da je ona djelimično ili u cjelini osnovana i svojim rješenjem ispraviti radnju, preduzeti činjenice, izmjeniti i/ili dopuniti tendersku dokumentaciju ili može postojeću odluku ili rješenje staviti van snage i zamjeniti je drugom odlukom ili rješenjem, ... te o tome obavijestiti učesnike u postupku javne nabavke na način određen ovim zakonom, u roku od pet dana od dana prijema žalbe“, odlučeno je kao u dispozitivu ove odluke

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić

